

續修四庫

全
新
書
目

《續修四庫全書》編纂委員會編

續修四庫全書



上海古籍出版社

一五七・經部・四書類

朱子論語集注訓詁考二卷

〔清〕潘衍桐撰

一

戴氏注論語二十卷

〔清〕戴望撰

六三

論語稽二十卷

〔清〕宦懋庸撰

二五五

天文本單經論語校勘記一卷

〔清〕葉德輝撰

四二三

鄉黨圖考補證六卷

〔清〕王漸鴻撰

校鄉黨圖考補證札記一卷

〔清〕張庭詩撰

四三七

孟子要略五卷首一卷

〔宋〕朱熹撰

〔清〕劉傳瑩輯

〔清〕曾國藩按

五七七

標孟七卷

〔清〕汪有光撰

六〇一

2678/07

朱子論語集注

注訓古

光緒十七年
浙江書局刻

敘

朱子論語訓蒙口義敘云本之注疏以通其訓詁語類云某尋常解經只要依訓詁說字又與呂伯恭書云不讀說文訓詁易謬荅黃直卿書云近日看得後生且是教他依本子認得訓詁文義分明爲急朱子解經教人厥初如此世儒謂朱子不明訓詁謬加詆詞與夫空疏淺率之流空談性理未知爲學之倫類皆失之也竊謂朱子生平著書致多而論語集注尤爲精粹因命詁經精舍諸生尋繹此書詳攷義所從出徧采舊注及羣經子史注以筭來歷明非朱子所

敘

自造課卷甚繁細加纂采撮爲二卷取其易曉義或簡奧則援某生說以申明之研經之士由是以攷制度辨名物窺先聖之微言窮義理之所歸余固日夕望之也光緒十有六年十二月南海潘衍桐敘於浙江學署之敬樂齋

朱子論語集注訓詁攷卷上

南海潘衍桐輯

學而弟一

學之爲言效也學而章

尙書大傳周傳洛誥篇學效也廣雅釋詁學效也而覺有先後

孟子離婁篇使先覺覺後覺也

習鳥數飛也

說文習部習數飛也禮月令鷹乃學習

說喜意也

攷上

廣雅釋詁悅喜也

習重習也

易坎卦象曰水洊至習坎陸績注習重也周易集解

坐如尸坐時習也立如齊立時習也

禮曲禮若夫坐如尸立如齊鄭注坐如尸視貌正

立如齊馨且聽也

朋同類也

易兌卦象曰君子以朋友講習虞翻注兌二陽同

類爲朋周易集解後漢書李固杜喬傳贊朋心合力章

懷注朋猶同也廣雅釋詁朋類也

慍含怒意

何晏注慍怒也集禮檀弓舞斯慍鄭注慍猶怒也

說文心部慍怒也書無逸不啻不敢含怒

君子成德之名

易乾文言君子以成德爲行日可見之行也禮哀

公問君子也者人之成名也楊子法言學行篇學

者所以求爲君子者也

善事父母爲孝善事兄長爲弟有子章

爾雅釋訓善父母爲孝善兄弟爲友皇侃論語義

疏善事父母曰孝善事兄曰悌

攷上

謂干犯在上之人

左氏文公四年傳其敢干大禮以自取戾乎杜注

干犯也禮文王世子不以犯有司鄭注犯猶干也

鮮少也

何注鮮少也集解

本猶根也

周禮醴人昌本鄭注昌蒲根後漢書伏侯宋傳合

論章懷注根猶本也

仁者愛之理心之德也

周語仁文之愛也孟子告子篇仁人心也

爲仁猶曰行仁

禮檀弓不仁而不可爲也鄭注爲猶行也

與者疑辭

衛靈公篇非與皇疏與不定之辭

巧好令善也好其言善其色

巧言章

包咸注巧言好其言語令色善其顏色

集爾雅釋

詰令善也

盡己之謂忠

三省章

里仁篇忠恕而已矣憲問篇忠焉能勿誨乎皇疏

並云忠謂盡中心也

攷上

三

以實之爲信

說文言部信誠也誠信也爾雅釋詁誠信也廣雅

釋詁誠實也信誠實三字互訓

傳謂受之於師

皇疏引袁氏曰常恐傳先師之言不能習也

道治也

千乘章

包注道治也

集

千乘諸侯之國

皇疏千乘大國天子萬乘諸侯千乘

敬者主一無適之謂

文子道德篇一也者無適之道也萬物之本也下

德篇聖王執一以理萬物之情性夫一者至貴無

適于天下聖王託于無適故爲天下令

謹者行之有常也信者言之有實也

弟子章

易文言庸言之信庸行之謹

汎廣也

皇疏汎廣也

眾謂眾人

荀子修身篇庸眾而野楊注眾眾人也

親近也

攷上

四

廣雅釋詁親近也

以用也

詩谷風篇不我屑以鄭箋以用也說文目部目用

也

文謂詩書六藝之文

鄭注文道誠也

文

致猶委也

賢賢章

鄭壽祺曰委致一義故人臣致摯于其君經傳謂

之委摯

重厚重

重威章

說文重部重厚也

威威嚴

毛詩六月篇有嚴有翼傳嚴威嚴

固堅固也

毛詩天保篇亦孔之固傳固堅也史記禮書疆固之本也正義固堅固也

無毋通禁止辭也

禮檀弓曰噫毋鄭注毋禁止之辭○樓蔚然曰史記宋世家引書洪範毋字凡十五見今書誤作無勿亦禁止之辭

攷上

五

王正春日語類卷四十一云非禮勿視說文謂勿字似旗腳此旗一麾三軍盡退工夫只在勿字上纔見非禮來則以勿字禁止之○樓蔚然曰小爾雅廣詁勿無也此承上訓故曰亦

憚畏難也

鄭注憚難也集詩雲漢篇我心憚暑鄭箋憚猶畏也說文心部憚忌難也

慎終者喪盡其禮追遠者祭盡其誠民德歸厚謂下民化之其德亦歸於厚慎終章

孔安國注慎終者喪盡其哀也追遠者祭盡其敬

也人君能行此二者民化其德而皆歸於厚也集

抑反語辭

皇疏抑語助也禮中庸抑而強與鄭注抑辭也

溫和厚也

淮南子時則訓純溫以淪高注溫也和也漢書張敞

傳居皆溫厚

良易直也

禮樂記易直子諒之心亦見荀子非十二子篇其祭義

容良楊注良謂樂易也

恭莊敬也

攷上

六

為政篇臨之以莊則敬爾雅釋詁恭敬也

儉節制也

周語季文子孟獻子皆儉聿注儉居處節儉也

讓謙遜也

禮儒行其尊讓有如此者正義讓謂卑謙

其諸語辭也

公羊桓公六年傳其諸以病桓與何休注其諸辭

也

父在子不得自尊父在章

孔注父在子不得自尊故觀其志而已集鄭注孝

子父在無所自專

太平御覽人
事部孝類

禮者天理之節文人事之儀則也

禮之用章

孟子離婁篇仁之實事親是也義之實從兄是也
禮之實節文斯二者是也禮坊記禮者因人之情
而爲之節文以爲民坊者也仲尼燕居篇禮也者
理也中庸仁者仁也親親爲大義者宜也尊賢爲
大親親之殺尊賢之等禮所生也周書武順解人
道曰禮管子心術篇禮者因人之情緣義之理而
爲之節文
所以流蕩忘反

攷上

七

文選皇甫謐三都賦序流宕忘反非一時也

信約信也

信近章

禮曲禮約信曰誓

義者事之宜也

禮祭義義者宜此者也中庸義者宜也揚子法言
重黎篇問義曰事得其宜之謂義說文言部諠人
所宜也

復踐言也

禮曲禮修身踐言謂之善行

恭致敬也

爾雅釋詁恭敬也上賢賢章皇疏致極也

因猶依也

呂氏春秋盡數篇因智而明之高注因依也○因
依雙聲

宗猶主也

左氏昭公二年傳禮之宗也杜注宗猶主也
言約信而合其宜

左氏宣公十五年傳信載義而行之爲利
志有在而不暇反也

會無未飽章

鄭注學者之志有所不暇也

集解

攷上

八

敏於事者勉其所不足慎於言者不敢盡其所有餘
也

禮中庸庸德之行庸行之謹有所不足不敢不勉

有餘不敢盡

諂卑屈也

貧而無諂章

禮玉藻卑毋諂

凡曰可者僅可而有所未盡之辭

子路篇替月而已可也皇疏可者未足之辭也

樂則心廣體胖

禮大學心廣體胖

好禮則安處善樂循理

漢書董仲舒傳重禮節然後安處善安處善然後樂循理

往者其所已言者

晉語吾言往矣

來者其所未言者

微子篇來者猶可追皇疏來者謂未至之事也

爲政弟二

政之爲言正也所以正人之不正也

爲政章

顏淵篇季康子問政於孔子孔子對曰政者正也

攷上

九

子帥以正孰敢不正

德之爲言得也行道而有得於心也

禮樂記德者得也又鄉飲酒義德也者得於身也

故曰古之學術道者將以得之於身也說文惠外

得於人內得於己也

北辰北極天之樞也居其所不動也

爾雅釋天北極謂之北辰呂氏春秋有始篇極星

與天俱游而天樞不移

共向也

漢書郊祀志注合兩手曰拱。鄭壽祺曰拱古作

曰說文竦手也兩手相向故其有向義

爲政以德則無爲而天下歸之

鄭注德者無爲

集解

所守者至簡而能御煩所處者至靜而能制動所務者至寡而能服眾

王弼周易略例云夫眾不能治眾治眾者至寡者

也夫動不能制動制天下之動貞夫一者也

蔽猶蓋也

三百章

老子故能蔽不新成王注蔽覆蓋也

道猶引導謂先之也

道之以政章

攷上

十

呂氏春秋適威篇忠信以導之高注導猶先也

齊所以一之也

周語其君齊明衷正聿注齊一也

格至也

爾雅釋詁格至也

一說格正也

何注格正也

集解

心之所之謂之志

吾十有五章

毛詩序在心爲志。鄭壽祺曰志爲諸聲兼會意

字心所之爲志如日所之爲肯手所之爲持

即古特字

口所之爲咎許書以告爲從牛似誤

則念念在此

左氏襄公二十三年傳夏書曰念茲在茲

無所違逆

皇疏順謂不逆也

從隨也

詩既醉篇從以孫子鄭箋從隨也

矩法度之器所以爲方者也

馬注矩法也集解孟子離婁篇不以規矩不能成方

圓

攷上

無違謂不肯於理無違章

廣雅釋詁違偁也

御爲孔子御車也

皇疏御御車也

禮卽理之節文也

禮仲尼燕居子曰禮也者理也

是時三家僭禮故夫子以是警之

皇疏引衛瓘曰孟孫三家僭濫違禮故孔子以每

事須禮爲答也

養謂飲食供奉也子游章

禮郊特牲凡飲養陽氣也凡食養陰氣也說文食

部養供養也荀子君子篇論知所貴則知所養矣

楊注養謂自奉養

食飯也子夏章

周禮膳夫掌王之食飲鄭注食飯也

先生父兄也餽飲食之也

馬注先生謂父兄也餽飲食也集解

曾猶嘗也

皇疏曾猶嘗也○曾嘗雙聲

蓋孝子之有深愛者必有和氣有和氣者必有愉色

攷上

有愉色者必有婉容

禮祭義文

不違者意不相背與言章

說文車部車相背也

私謂燕居獨處

毛詩葛覃篇薄汚我私傳私燕服也

以爲也視其章

左氏定公十年傳封疆社稷是以杜注以猶爲也

○陳景條曰視其所以大戴記文王官人篇考其

所爲卽此義

由從也

泰伯篇民可使由之後漢書方術傳注引鄭注由從也詩君子陽陽篇右招我由房鄭箋由從也

或曰由行也

廣雅釋詁由行也

察則又加詳矣

說文六部察覆也

安所樂也

淮南子汜論訓百姓安之高注安樂也

焉何也

攷上

圭

子路篇焉用稼皇疏焉猶何也左氏昭公九年傳則戎焉取之正義焉猶何也

廋匿也

孔注廋匿也

溫尋釋也

何注溫尋也皇疏溫是尋釋之義

器者各適其用而不能相通

包注器者各周其用

夫水行莫如用舟而陸行莫如用車以舟之可行

於水也而求推之於陸則沒世不行即此義

周普徧也周而不比章

說文勺部𠂔𠂔徧也詩崧高篇周邦咸喜鄭箋周徧也

比徧黨也

孔注阿黨爲比

故危而不安學而不思章

說文占部𠂔𠂔危也

攻專治也攻乎異端章

何注攻治也

故治木石金玉之工曰攻

攷上

十

考工記凡攻木之工七攻金之工六刮摩之工五

千求也千禱章

鄭注千求也

祿仕者之奉也

楚語成王每出子文之祿韋注祿奉也周禮太宰

四曰祿位以馭其士鄭注若今月俸也

尤罪自外至者也樓蔚然曰包注尤過也爾雅釋言郵過也郵尤古

通用言自我出則尤爲人來

錯捨置也哀公問章

包注錯置也集解廣雅釋詁捨置也

諸眾也

廣雅釋詁諸眾也

莊謂容貌端嚴也季康子章

包注莊嚴也集解

善兄弟曰友或謂孔子章

爾雅釋訓善兄弟曰友

輓輓端橫木縛輓以駕牛者人而無信章

包注大車牛車輓者輓端橫木以縛輓者也集解

輓輓端上曲鉤衡以駕馬者

攷上

十五

包注小車駟馬車也輓者輓端上曲鉤衡者也集解

王者易姓受命爲一世子張問章

鄭注世謂易姓之世也太平御覽五百二十三

馬氏曰所因謂三綱五常所損益謂文質三統

集解引馬融注文

三綱謂君爲臣綱父爲子綱夫爲妻綱

白虎通三綱篇三綱者何爲也謂君臣父子夫婦

故君爲臣綱父爲子綱夫爲妻綱

五常謂仁義禮智信

白虎通情性篇五性者何謂仁義禮智信

文質謂夏尚忠商尚質周尚文

漢書董仲舒傳故王者有改制之名以變道之實

然夏上忠殷上敬周上文者所繼之袞當用此也

三統謂夏正建寅爲人統商正建丑爲地統周正建

子爲天統

後漢書章帝紀注引尙書大傳曰夏以十三月爲

正平旦爲朔殷以十二月爲正雞鳴爲朔周以十

一月爲正夜半爲朔

聖人所以知來者蓋如此

易繫辭極數知來之謂占又曰神以知來又說卦

攷上

十六

傳知來者逆

詔求媚也非其鬼章

鄭注非其祖考而祭之是詔以求福也集解學而篇

貧而無詔皇疏非分橫求曰詔左氏襄公三年傳

稱其歸不爲詔杜注詔媚也

八份第三

份舞列也天子八諸侯六大夫四士二每份人數如

其份數八份章

馬融注份列也天子八份諸侯六卿大夫四士二

八人爲列八八六十四人集解

或曰每甸八人

左氏隱五年傳正義曰服虔以用六爲六八四十

八大夫四爲四八三十二士二爲二八十六

或曰忍容忍也

邢疏人之僭禮者皆當罪責不可容忍

雍周頌篇名三家章

馬注雍周頌臣工篇名集解

徹祭畢而收其俎也

禮曲禮客徹重席鄭注徹去也儀禮鄉射儀乃徹

豐與解鄭注徹猶除也

放上

七

天子宗廟之祭則歌雍以徹是時三家僭而用之

馬注天子祭於宗廟歌之以徹祭今三家亦作此

樂集解

相助也

毛詩雍篇相維辟公傳相助也

辟公諸侯也

包注辟公謂諸侯集解

天子之容也

包注穆穆天子之容也

孔子以時方逐末而放獨有志於本故大其問章林放

皇疏引王弼曰時人棄本崇末故大其能尋本禮

意也

易治也

毛詩甫田篇禾易長畝傳易治也

孟子曰易其田疇

孟子盡心篇

亡古無字通用夷狄章

包注亡無也集解詩蕩篇時無背無側漢書五行志

作亡背亡側左氏昭公十三年傳賓須無十五年

傳費無極漢書古今人表無俱作亡

放上

大

旅祭名李氏章

馬注旅祭名也集解

禮諸侯祭封內山川

馬注禮諸侯祭山川在其封內者也集解

嗚呼歎辭

皇疏嗚呼歎也文選非有先生論先生曰於戲可

乎哉李善注於戲歎辭也

倩好口輔也盼目黑白分也巧笑章

毛詩碩人篇傳倩好輔盼白黑分

繪事繪畫之事也

鄭注繪畫文也集解

起猶發也

皇疏起發也

杞夏之後夏禮章

史記陳杞世家周武王克殷紂未禹之後得東樓

公封之於杞

宋殷之後

禮樂記投殷之後於宋

徵證也

禮中庸雖善無徵鄭注徵或爲證

攷上

尤

文典籍也

文選劇秦美新論古文畢發李善注古文先王之

典籍也

獻賢也

鄭注獻猶賢也集解

趙伯循曰禘王者之大祭也

伯循名匡唐代人師啖助說詳陸墮春秋咬趙集

傳纂例卷二郊廟等社例弟十二之辨禘義之弟

十條

而與視同或問章

詩鹿鳴篇視民不忒鄭箋視古示字也

媚親順也王孫賈章

邢疏欲使孔子求媚親順於己○洪昌烈曰媚與

昵通說文女部昵順也

室西南隅爲奧

爾雅釋宮西南隅謂之奧

夏所祭也

禮月令孟夏之月其祀竈

天卽理也

左氏成公十三年傳民受天地之中以生所謂命

攷上

干

也是以有動作禮義威儀之則以定命也能者養

之以福據漢志漢祿當乙作以之不能者敗以取禍是故君子

勤禮小人盡力禮中庸天命之謂性鄭注天命謂

天所命生人者也是謂性命木神則仁金神則義

火神則禮水神則信土神則知又樂記則天理滅

矣鄭注理猶性也呂氏春秋本生篇以全天爲故

者也淮南子原道訓不以人易天高注並云天性

也荀子解蔽篇莊子蔽於天而不知人楊注天謂

無爲自然呂氏春秋離謂篇云理也者是非之宗

也

其尊無對非奧竈之可比也

爾雅釋天釋文引春秋說題辭曰天之言鎮也居

高理下爲人經緯故其字一大以鎮之也春秋繁

露郊祭篇天者百神之大君也淮南子覽冥訓上

天之詠也高注上天上帝也書君奭格於皇天正

義皇天北極大帝也

逆理則獲罪於天矣

王正春曰大戴記三本篇天地者性之本也惟其

爲性之本故卽爲理之本連理卽連天獲罪於天

矣

攷上

監視也周監章

孔注監視也集爾雅釋詁監視也

二代夏商也

皇疏二代夏殷也

郁郁文盛貌

皇疏郁郁文章明著也漢書禮樂志引郁郁乎文

哉顏師古曰郁郁文章貌文選蜀都賦蜜房郁毓

被其阜李善注郁毓盛多也

太廟穆周公廟子入太廟章

包注太廟周公廟也集公羊文十三年傳世室者

魯公之廟也周公稱太廟魯公稱世室羣公稱宮

皮革也射不主皮革

說文剝取獸革謂之皮

料等也

袁堯年曰廣雅釋言科品也漢書匈奴傳集注品

謂等差也

饌生牲也告朔章

鄭注生牲曰饌集解

魯自文公始不視朔

鄭注魯自文始不視朔集解

攷上

愛猶憎也

禮表記愛莫助之鄭注愛猶憎也

關雎周南國風詩之首篇也關雎章

邢疏關雎者詩國風周南首篇也

古者立社各樹其土之所宜木問社章

孔注凡建邦立社各以其土所宜之木集解

戰栗恐懼貌

爾雅釋詁戰慄懼也廣雅釋訓戰戰慄慄懼也

故歷言此以深責之欲使謹其後也

包注孔子非宰我故歷言三者欲使慎其後也集解

三歸臺名事見說苑管耕之器章

說苑善說篇

攝兼也

包注攝猶兼也集解左氏昭公十二年傳羊舌肸攝

司馬杜注攝兼官也

家臣不能具官

禮禮運大夫吳官

屏謂之樹

爾雅釋宮屏謂之樹

塞猶蔽也

攷止

刑疏塞猶蔽也

重

好謂好會站在兩楹之間獻酬飲畢則反爵於其上

鄭注反站反爵之站也在兩楹之間又云若與鄰

國君爲好會其獻酢之禮更酌酌畢則各反爵於

站上集解

而管仲僭之不知禮也

鄭注今管仲皆僭爲之如是是不知禮也集解

語告也語魯太師章

廣雅釋詁告語也

太師樂官名

何注大師樂官名也集解

翕合也

爾雅釋詁翕合也毛詩常棣兄弟既翕傳翕合也

從放也

皇疏從放縱也

純和也

何注純如和諧也集解

皦明也

何注言其音節分明也集解方言十二皦明也

成樂之一終也

攷上

周語成德之終也書益稷篇韶九成正義引鄭注

重

曰成猶終也

見之謂通使得見儀封人章

包注從者是弟子隨孔子行者也通使得見者也

禮曰喪欲速貧是也

禮檀弓文

木鐸金口木舌

揚子學行篇則莫若使諸儒金口而木舌

施政教時所振以警敝者也

孔注木鐸施政教時所振也集解

韶舜樂 子謂韶歌

孔注韶舜樂名也 集解

武王樂

孔注武王樂也 集解

里仁弟四

約窮困也 不仁章

禮坊記小人貧斯約鄭注約猶窮也孔注久困則爲非 集解 皇疏約猶貧困也

利猶貪也

禮坊記先財而後禮則民利鄭注利猶貪也

放上

圭

久約必濫

皇疏久居約則必斯濫爲盜故不可久處也

惟之爲言獨也 惟仁章

呂氏春秋義賞篇不朱君臣之禮者惟赦高注惟

獨也廣雅釋詁唯獨也

苟誠也 苟志章

孔注苟誠也 集解

終食者一飯之頃 富貴章

邢疏故君子無食頃違去仁道禮文王世子文王

一飯亦一飯

造次急遽苟且之時

馬注造次急遽也 集解

顛沛傾攪流離之際

馬注顛沛僵仆也 集解 廣雅釋詁沛沛流也

蓋疑辭 未見章

禮檀弓有子蓋既祥正義蓋是疑辭

黨類也 人過章

孔注黨黨類也 集解

道者事物當然之理 朝聞章

管子君臣篇順理而不失之謂道

放上

圭

適專主也 君子章

毛詩伯兮篇誰適爲容傳適主也

春秋傳曰吾誰適從

左氏僖公十五年文

莫不肖也

汪昌烈曰廣雅釋詁莫強也強卽不肖○陳錦條

曰背語大夫辭之不可草注可肖也不肖卽不可

論語筆解曰適可莫不可

比從也

左氏昭公二十八年傳擇善而從之曰比